

O Xurado Provincial de Clasificación de Montes Veciñais de Pontevedra, dictou a seguinte **RESOLUCION**:

ASISTENTES

PRESIDENTE

D. José Luis Díez Yáñez.
(Delegado Provincial da Consellería de Medio Ambiente).

VOCAIS

D. Luis Mª Muiños Vidueira.
(Letrado da Asesoría Xurídica da Xunta).
Dña. Isabel Catoira Lamela.
(Avogado polo Colexio da provincia).
D. Teodoro Arribas Serrano
(Xefe do Servizo de Montes e Industrias Forestais).

**VOCAIS REPRESENTANTES DA
PARROQUIA DE SAN PEDRO DE CESANTES
DO CONCELLO DE REDONDELA.**

D. Abdón Escariz Vázquez.
D. Fermín Miguez Cabaleiro.

**VOCAIS REPRESENTANTES DA
PARROQUIA DE O VISO DO CONCELLO DE
REDONDELA.**

D. José García Cabaleiro.
D. Claudino Cabaleiro Vidal.

SECRETARIA

Dª. Mª José León Gómez.
(Xefe do Servizo Técnico-Xurídico da Delegación de Medio Ambiente).

Na cidade de Pontevedra, sendo as dezasete horas do día trinta de maio do 2001, coa asistencia das persoas á marxe reseñadas, reúnese na 3ª planta do edificio sito no nº 47 da rúa Benito Corbal o Xurado Provincial de Clasificación de Montes Veciñais en Man Común ó obxecto de decidir sobre a clasificación dos montes das parroquias de San Pedro de Cesantes e de O Viso, ámbalas dúas do concello de Redondela.

ANTECEDENTES DE FEITO

PRIMEIRO.- Polo presidente da xunta provisional de montes veciñais en man común da parroquia de San Pedro de Cesantes do concello de Redondela, instouse en data 5 de maio de 1993 a clasificación dos montes "Cabaleiro ou Coba da Serpe", "Da Mina", "Da Rega", "Carballiño" e "Baldío das Laxes", acordándose polo Xurado en reunión de data 12 de xullo de 1993 a incoación de expediente de clasificación co número 4/93.

SEGUNDO.- Polo presidente da comunidade de montes veciñais en man común da parroquia de O Viso do concello de Redondela, instouse en data 2 de novembro de 1993 a clasificación dos montes "Puntal", "Cabaleiro", "Dabaixo" e "Da

Gándara", acordándose polo Xurado en reunión de data 7 de xuño de 1994 a incoación de expediente de clasificación co número 7/93.

TERCEIRO.- O Xurado Provincial, en reunión de 18 de novembro de 1996, acordou a acumulación de ámbos dous expedientes de clasificación.

CUARTO.- Cumprida e observada a tramitación legal e regulamentariamente esixida, procedeuse á apertura do trámite de audiencia, formulándose oposición á clasificación solicitada por parte de ámbalas dúas comunidades.

QUINTO.- Polo que afecta ás parcelas das que se propón a súa clasificación, obedecen á seguinte descripción:

- Na parroquia de San Pedro de Cesantes:

NOME DO MONTE: Monte Cabaleiro.

CABIDA: 7,55 Ha. aproximadamente.

LINDES:

NORTE: Monte Cabaleiro da parroquia de O Viso.

SUR: Propiedades particulares de Fermín Miguez Cabaleiro, Juan Pérez Miguez, Flor Pérez Miguez e herdeiros de José Vidal Lorente e outros.

LESTE: Propiedades particulares de Domingo Pérez Miguez, José Cabaleiro Amoedo, Manuel Fernández Lago e outros.

OESTE: Herdeiros de Herminia Rei, Domingo Cabaleiro e outros.

NOME DO MONTE: Monte de A Mina.

Parcela Norte.

CABIDA: 1,62 Has. aproximadamente.

LINDES:

NORTE: Propiedad particular de Crisanto Bouzán Martínez.

SUR: Monte de A Mina.

LESTE: Herdeiros de Lucinda Miguez López, Manuel Estévez Rodríguez, Joaquín Martínez Bouzán e monte de A Mina.

OESTE: Camiño de Santiago portugués.

Parcela Sur.

CABIDA: 0,45 Has. aproximadamente.

LINDES:

NORTE: Camiño e monte de A Mina.

SUR: Propiedad particular de Elisa Vidal Rincón e herdeiros de Soteliño e outros.

LESTE: Camiño e monte de A Mina.

OESTE: Camiño portugués de Santiago.

NOME DO MONTE: Monte Boa Vista

Parcela Norte.

CABIDA: 1,86 Has. aproximadamente.

LINDES:

NORTE: Parroquia de Ventosela (San Martiño).

SUR: Propiedade particular de Honorato Couñago Rivas e camiño.

LESTE: Parroquia de Ventosela e propiedades particulares de Honorato Couñago Rivas e Manuel Soto, camiño e outros.

OESTE: Propiedades particulares de Porfiria Collazo Castelán, Manuel Pérez, Manuel Soto Soto e outros.

Parcela Sur.

CABIDA: 3,48 Has. aproximadamente.

LINDES:

NORTE: Propiedade particular de Honorato Couñago Rivas e outros.

SUR: Propiedades particulares de Carlos Crespo Fontán, Raúl Rivas Cabaleiro e outros.

LESTE: Propiedades particulares de Antonia Vidal Míguez, José Amoedo Táboas e outros.

OESTE: Propiedades particulares de Claudio Míguez Barreiro, Francisco Montes Barbeito e outros.

- Na parroquia de O Viso:

NOME DO MONTE: Monte Puntal.

CABIDA: 0,61 Ha. aproximadamente.

LINDES:

NORTE: Concello de Soutomaior.

SUR: Propiedades particulares de M. Pérez, Josefa Martínez, FFCC e outros.

LESTE: Camiño.

OESTE: Propiedade particular de Juan Sobral.

NOME DO MONTE: Monte Cabaleiro.

CABIDA: 4,75 Ha. aproximadamente.

LINDES:

NORTE: Propiedades particulares de Emilia Taboada Lac., Manuel Fernández Pouzón e outros.

SUR: Monte Cabaleiro da parroquia de San Pedro de Cesantes.

LESTE: Propiedades particulares de Domingo Pérez Míguez, José Cabaleiro Amoedo, Manuel Fernández Lagoa e outros.

OESTE: Ensanche estrada Pontevedra – Vigo, estrada local a Souto Susto.

NOME DO MONTE: Monte Gándara.

CABIDA: 1,79 Ha. aproximadamente.

LINDES:

NORTE: Camiño e propiedade particular de Manuel Vidal Soto.

SUR: Camiño e propiedade particular de Celso López Guillán.

LESTE: Propiedades particulares de Domingo López Martínez, Lucía Vidal Cabaleiro e outros.

OESTE: Propiedades particulares de Emilio Martínez Vidal, Armando Lago Martínez e outros.

SEXTO.- A tarefa que compete ó Xurado é, conforme reiterada xurisprudencia en interpretación da normativa sobre montes veciñais en man común, analizar como cuestión de feito, a pertencencia dos montes dos cales se propón a súa clasificación ós vecinos agrupados en parroquias, aldeas, lugares, e, doutra parte, o aproveitamento consuetudinario e exclusivo dos mesmos polos integrantes de ditas agrupacións, en réxime de comunidade xermánica, coa correspondente valoración para elo da proba.

SÉTIMO.- No presente expediente de clasificación, a dificultade está tanto nos títulos e documentación aportada, como na identificación dos montes "Cabaleiro" e "Da Mina", por canto os lindeiros da documentación do expediente non só son de difícil interpretación senón que amáis algúns non concordan cós da petición. Para intentar clarificar a situación, elaboráronse informes polo Servicio de Montes e Industrias Forestais, sendo o último de data 19/07/99, un estudio intenso con replantexamento das áreas de monte a clasificar dada a súa dificultade. É clarificadora a descrición dos montes en relación á planimetría do século pasado do enxeñeiro Genaro de Mira. En relación co monte "Da Mina", xa no informe de data 02/01/99 éste é coincidente co "Monte de Abaixo", incluíndose en dita planimetría do século pasado a súa pertencencia á parroquia de San Pedro de Cesantes.

FUNDAMENTOS DE DEREITO

1.- O Xurado Provincial de Clasificación de Montes Veciñais en Man Común ten a competencia para coñecer os expedientes de clasificación dos montes que teñan tal carácter a tenor do establecido no artigo 9 da Lei 13/1989, do 10 de outubro, de montes veciñais en man común.

2.- A tenor do recollido no citado artigo 1 da Lei 13/1989, do 10 de outubro, o feito que exclúe ou xustifica a clasificación como veciñal dun determinado monte, en vía administrativa, é a circunstancia de terse demostrado efectivamente o aproveitamento

veciñal de dito monte, reservándose á xurisdicción civil ordinaria os temas de dominio e demais dereitos reais sobre o monte.

3.- De conformidade co establecido no artigo 1 da Lei 13/1989, do 10 de outubro, de montes veciñais en man común, así como no artigo 1 do Decreto 260/1992, do 4 de setembro, cómpre entender por montes veciñais en man común "... os terreos radicados na Comunidade Autónoma de Galicia que, con independencia da súa orixe, as súas posibilidades productivas, o seu aproveitamento actual e a súa vocación agraria, pertencen a agrupacións veciñais na súa cualidade de grupos sociais e non como entidades administrativas, e os veñan aproveitando consuetudinariamente en réxime de comunidade, sen asignación de cuotas, os membros daquelas na súa condición de veciños".

En consecuencia, vista a Lei Galega 13/1989, do 10 de outubro, de montes veciñais en man común, e o seu Regulamento aprobado por Decreto 260/1992, do 4 de setembro, e demais preceptos legais e regulamentarios de xenérica e específica aplicación ó caso examinado, próponse pola Instructora e de maneira unánime o Xurado **ACORDA**:

1º.- **Clasificar** os montes **Cabaleiro (Parte Sur), Da Mina e Boa Vista** a favor dos veciños da parroquia de San Pedro de Cesantes do concello de Redondela, correspondéndose coa planimetría elaborada ó efecto polo Servicio de Montes e Industrias Forestais que forma parte inseparable da presente Resolución, e de acordo coa descrición, cabida e lindes sinalados no antecedente de feito quinto, así como **clasificar** os montes Cabaleiro (Parte Norte), Gándara e Puntal a favor dos veciños da parroquia de O Viso do concello de Resondela, correspondéndose coa planimetría elaborada ó efecto polo Servicio de Montes e Industrias Forestais que forma parte inseparable da presente Resolución, e de acordo coa cabida, descrición e lindes sinalados no antecedente de feito quinto.

2º.- **Non clasificar** os montes **Da Rega, Carballiño e Baldío das Laxes** solicitados a favor da parroquia de San Pedro de Cesantes por non reunir os requisitos esixidos polo artigo 1 da Lei 13/1989, do 10 de outubro, de montes veciñais en man común, e no artigo 2 do Decreto 260/1992, do 4 de setembro, polo que se aproba o regulamento para a execución da citada Lei; e **non clasificar** o Monte Dabaixo solicitado a favor da parroquia de O Viso por coincidir co Monte de A Mina clasificado como veciñal en man común a favor dos veciños da parroquia de San Pedro de Cesantes.

Contra a presente Resolución que poñe fin á vía administrativa, poderase interpoñer recurso de reposición con carácter potestativo ante o Xurado Provincial de Clasificación de Montes Veciñais en Man Común de Pontevedra no prazo dun mes, ou ben interpoñer directamente recurso contencioso-administrativo ante o Xulgado do Contencioso-Administrativo de Pontevedra no prazo de dous meses contados desde o día seguinte ó da presente notificación, de acordo co disposto nos artigos 109 e 116 da Lei 30/1992, do 26 de novembro, de Réxime Xurídico das Administracións públicas e do Procedemento Administrativo Común, e nos artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa.



[Handwritten signature]
[Handwritten signature]
[Handwritten signature]



DILIXENCIA.-

Exténdoa eu, M^a José León Gómez, Secretaría do Xurado Provincial de Clasificación de Montes Veciñais en Man Común de Pontevedra, para facer constar que, por medio de conversación telefónica, D. José García Cabaleiro e D. Claudino Cabaleiro Vidal, na súa cualidade de vocais representantes da parroquia de O Viso do concello de Redondela na reunión do Xurado Provincial celebrada o día 30 de maio do 2001 na que se resolveu o expediente para a clasificación co carácter de veciñal en man común dos montes das parroquias de San Pedro de Cesantes e de O Viso, manifestan a súa negativa á sinatura da Resolución adoptada en relación co expediente de referencia.

E para que así conste, asino a presente en Pontevedra a quince de xuño do dous mil un.



CLASIFICACION DOS MONTES NOMEADOS
 "CABALEIRO", "DA MINA NORTE", "DA MINA
 SUR", "BOA VISTA NORTE" E "BOA VISTA
 SUR", COMO MONTES VECIÑAIS EN MAN
 COMUN DOS VECIÑOS DE SAN PEDRO DE
 CESANTES (PONTEVEDRA).





[Handwritten signature]
[Handwritten signature]
[Handwritten signature]
[Handwritten signature]
[Handwritten signature]